

ኢብራዌ ኣሳሰ ፃፊቲዳ ኪታ ጋሳ ቆፋ

ሃ ኪታይ ፃፊቲዳይ፣ ዎልቃማ ሜቶይ ጋኪን፣ ባንታ አማኑዋ አጋናው ማቲዳ አማኒያ አሳሳ። ሃ ማፃፋ ፃፊይ፣ ዩሱስ ኪሪሰቶሲ ወርሴላኔ ቱማ ያሳ ቆንጩላ ጊዴይሳ ኢብራዌ ኣሳሰ ቤሴሰ። ሄ አማኒያ አሳይ ባንታ አማኑዋን ሚናና ሜላ ኤንታ ሚንፊሴሰ። ኢ ሄሳን ሄቩ አይፊ ቆፋታ ዋናዩዲ ቤሴሰ።

1. ዩሱሲ ባ ኤኪዳ ሜቱዋን አዋሰ ቱማ ኪቴቲዳ ሜሪና ያሳ ናዓ። ኢ ያሳ ናዓ ጊዲዳ ጊሾ ጋልዓ ጫቁዋ ዎዴ ዴዒያ ናቤታፔ፣ ኪታንቾታፔ ሙሴፔ ቦላ።
2. ዩሱሲ ጋልዓ ጫቁዋ ካሂንታፔ ዳሮ አዲያ ሜሪና ካሂኔ ጊዴይሳ ያሳይ ባ ሁዒን ማርካቲሰ።
3. ዩሱሳ ባጋራ አማኒያ አሲ ናጋራፔ፣ ያሻፊኔ ሃይቆፔ አቲሰ። ዩሱሲ ካሂኔ ሃላቃ ጊዴይሳዳ፣ ካሴ ኢብራዌታ አማኖ ዎጋኒኔ ሜሄ ያርሾን ኩያዳ ቤንቲያ አቶቴላ ሃዒ ቱማ ኦሲሰ።

ፃፊይ ኢሰራዒሌ አሳ ታሪኩን ዳሮ ኤሬቲዳ አሳ አማኖ ለሚሶ ኦሲ ኤኪዲ (ሼም 11) ሃ ማፃፋ ናባቢያ አሳቲ ባንታ አማኑዋን ሚናና ሜላ ኣኬኪሴሰ። ሄሳዳካ፣ ሼምፖ 12 ናባቤይሳቲ ባንታ አይፊያ ዩሱሳ ቦላ ዎሊዲ፣ ባንታ አማኑዋን ሚናና ሜላኔ አይ ሜቶይኔ ዎዩይ ጋኪኮካ፣ ኤንቲ ፔንጫና ሜላ ዘሬሰ። ወርሴላን ዘሬኒኔ ኣኬኪሶ ቃላን ባ ኪታ ኩዩሰ።

ኢብራዌ ኪታ አይፊ ቆፋታ

- ጌሎ ቆፋ፣ ያሳይ ኪሪሰቶሳን ቆንጪዳይሳ 1:1-3
- ኪሪሰቶሲ ኪታንቾታፔ ቦላ 1:4-2:18
- ኪሪሰቶሲ ሙሴፔኔ ኢያሱፔ ቦላ 3:1-4:13
- ኪሪሰቶሳ ካሂኔቴላይ ቦላ 4:14-7:28
- ኪሪሰቶሳ ጫቆይ ቦላ 8:1-9:22
- ኪሪሰቶሳ ያርሾይ ቦላ 9:23-10-39
- አማኖ ባይራቴላ 11:1-12:29
- ያሳ ኡፋይሶ 13:1-19
- ኣንጅኔ ኩሻ ቆፋ 13:20-25

ናዓይ ኪታንቸታፔ ቦላ

1 ካሴ ያሳይ፣ ኑ አዋታሰ ናቤታ ባጋራ ዲማ ዲማ ኦጌን ዳሮ ዋዴ ኑዲሰ።

2 ሺን ሃ ዉርሴላ ዋዲያን ኡባ ኢያ ላቲሲዳ ቃሲ አላሚያ ኢያ ባጋራ ሜዲዳ ባ ናዓ ባጋራ ኑሰ ኑዲሰ።

3 ናዓይ ያሳ ቦንቹዋ ጳሌላኔ ኩሜላ ያሳ ያሳቴላ ኤኪዲ፣ ባ ዋልቃማ ቃላን ሃ አላሚያ ካቲሲዲ ኦይኪሰ። አሳ ኤንታ ናጋራፔ ጌሺዳፔ ጉዬ ኡባፊ ቦላ ያሳ ኡሻቻ ባጋን ሳሉዋን ኡቲሰ።

4 ኢያው ኢሜቲዳ ሱንላይ ኪታንቸታ ሱንላፊ ቦላ ጌዴይሳዳ ኢ ኤንታፊ ቦላ።

5 ሂዛ፣ ያሳይ ኪታንቸታፔ ኦዴኮ፣

«ኔኒ ታ ናዓ፤

ታ ሃቹ ኔው አዋ ጌዳሰ» ጌዴ?

ዋይኮ ቃሲ ኦዴኮ፣

«ታኒ ኢያው አዋ ጌዳና፤

ኢካ ታው ናዓ ጌዳና» ጌዴ?

6 ቃሲ ያሳይ ባ ባይራ ናዓ ሃ አላሚያ ኪቲሼ፣

«ያሳ ኪታንቸቲ ኡባይ ኢያው ጎይኖ»

ያጌሰ።

7 ያሳይ ኪታንቸታባ ኦዲሼ፣

«ያሳይ ባ ኪታንቸታ ጫርኮ፣

ባ አይሌታ ታማ ላጮ ኦሌሰ»

ያጌሰ።

8 ሺን ባ ናዓባ ኦዲሼ፣

«ያሳው፣ ኔ ካዋቴላይ ሜሪናው ዴዔሰ።

ኔ ካዋቴላ ኔ ዪሎቴላን አይሳሳ።

9 ኔኒ ዪሎቴላ ዶሳዳሳ፤ ኢታ ኢፃዳሳ።

ያሳይ፣ ኔ ጎዳይ፣ ኔና ኔ ላጌታፔ አሊዲ ዶሪሰ፣

ኡፋይሳ ዛይቴ * ኔና ቲዩሰ»

ያጌሰ።

10 ያሳይ ዛሪዲ፣

«ጎዳው፣ ኮይሮ ኔኒ ሳዓ ሜፋዳሳ፤

ሳሎቲ ኔ ኩሼ ኦሶ።

1:5 ማዘ 2:7፤ 2ሳሙ 7:14፤ 1ታሪ 17:13 1:6 ዛሬ 32:43 1:7 ማዘ 104:4 1:8 ማዘ 45:6-7 * 1:9 ኡፋይሳ ዛይቴ፣ ኢ ካዋቲያ ዋዴ አሳይ ኡፋይሳን ኢሊሊዲ ኢያ ካዋሌይሳ ቤሴሰ። 1:10 ማዘ 102:25-27

11 ሄሳቲ ኡባይ ጳያና፤
 ሺን ኔኒ ዳና።
 ኤንቲ ኡባይ ኣፊላዳ ዉራና።
 12 ኔኒ ኤንታ ሳሌናዳ ፃፃና፤
 ቃሲ ኤንቲ ኣፊላዳ ላሚታና።
 ሺን ኔኒ ኡባ ዎዴ ኔና፤
 ኔ ላይላይካ ዉራና።

ያጌሰ።
 13 ሺን ፆሳይ ኪታንቸታፔ ኦዴኮ።
 «ታኒ ኔ ሞርኬታ ኔ ቶሆይ
 ዬዲያሶ ኦላና ጋካናው።

ሃይሳን ታፔ ኡቫቻ ባጋን ኡታ» ጊዴ?

14 ኪታንቸቲ ኡባይ ኣቶቴሊ ዴማናው ዴዲያ ኣሳታ ማዳናው ፆሳይ ኪቲዳ ኣያናታ ጊደኮናዬ?

2

ጊታ ኣንጂዎ

1 ሄሳ ጊሾ፡ ኑኒ ሲዲዳ ቱማፔ ሃራሶ ኤኬቶና ሜላ ሄ ሲዲዳይሳ ሚንሊዲ ናጋናው ቤሴሰ።

2 ሄዛ፡ ኪታንቸታ ባጋራ ኦዴቲዳ ቃላይ ቱማ ጊዲኮ፡ ኢያ ናቆይኔ ኪቲቶና ኢያይ ፐርዳ ኤሂያባ ጊዲኮ።

3 ፆተን፡ ኑኒ ሃይሳ ሜላ ጊታ ኣቶቴላ ኢያሰ ጊኮ፡ ዋኒዲ ኣታኔ? ኮይሮ ጎዳይ ባ ሁዔን ሄ ኣቶቴላ ኦዲሰ፤ ቃሲ ኢያፔ ሲዲዳይሳቲ ኑሰ ጌሺዲ ማርካቲዶሶና።

4 ቃሲ ፆሳይ ማላታታን፡ ኦራላባታን፡ ዲማ ዲማ ማላታኒኔ ባ ሼኒያዳ ኦሚዳ ጌሻ ኣያና ኢሞታታን ማርካቲላ ሚንሊሰ።

ዬሱሲ ኣሴ ጊዲሰ

5 ፆሳይ ሃ ኑኒ ኦዲያ ሲንፋፌ ያና ኣላሚያ፡ ኪታንቸታሰ ሃሪሲቤና።

6 ጌሻ ማፃፋይ ኢሲ ቤሳን ሃይሳዳ ያጌሰ፡
 «ኔኒ ኣሳሰ ቆፓናው ኣሲ ኣይቤ?
 ዎይኮ ኔኒ ኢያ ናጋናው ኢ ኣይቤ?

7 ኔ ኢያ ኪታንቸታፔ ጉላ ዎዴሰ ጉላዳሳ፤
 ኢያ ሁዔን ቦንቸኔ ሳባ ካላቻ ዎላዳሳ።

8 ቃሲ ኡባባ ኢያ ቶሁዋፔ ጋርሳን ዎላዳሳ»

ያገሰ። ያሳይ ኡባባ ኢያው ሃሪሲያ ዋዴ ኢያው ሃሪቲቦናባይ ኣይቢካ ባዋ። ሺን ሃዒ ኡባባይ ኢያው ሃሪቲሺን ኮኒ ቤዒቦኩ።

9 ሺን ኮኒ ከታንቸታፔ ጉፋራ ጉዲዳ ዩሱሳ ቤዖስ። ያሳ ኣጵ ኬሃቴፋ ጋሶን ዩሱሲ ኣሳ ኡባሰ ሃይቁስ። ኢ ዋዬ ሃይቆ ሃይቁዳ ጊሾ ቦንቸኔ ሳባ ካላቻ ኢያ ሁዔን ዋሒሰ።

10 ኡባባይ ኢያውኔ ኢያ ጋሶን ማጴቲዳ ያሳይ፣ ዳር ናይታ ባራ ቦንቸሳናው ኤንታ ኣቶቴፋ ሁዒያ፣ ዩሱሳ ዋዬን ፖሎ ኦፋናው ኢያው ቤሴስ።

11 ዩሱሲኔ ሄ ኢ ጌሺዳ ኣሳ ኡባይ ኢሲ ኣዋ ናይታ። ዩሱሲ ኤንታ፣ «ታ ኢሻታ» ጊዲ ጭጋናው ዩላቶናይ ሄሳሳ።

12 ዩሱሲ፣
«ታኒ ኔ ሱንፋ ታ ኢሻታሰ ኣዋጃና፤
ዴሪያ ሺቁዋን ኔና ጋላታና»

ያገሰ።
13 ቃሲ ኢ፣ «ታኒ ታ ኣማኑዋ ኢያ ቦላ ዋፋና» ቃሲካ፣ «ያሳይ ታው ኣሚዳ ናይታራ ታ ሃይሳን ዴዒይስ» ያገሰ።

14 ናይቲ ኣሾይኔ ሱሒ ዴዒይሳታ ጊዲያ ጊሾ ዩሱሲካ ኤንታዳ ኣሴ ጊዲሰ። ኢ ሄሳ ኦሒዳይ፣ ሃይቆ ቦላ ዋልቁ ዴዒያ ፃላሄያ ባ ሃይቁዋን ጳይሳናሳ።

15 ቃሲ ባንታ ዴዖ ላይፋ ኡባን ሃይቆ ያሻን ኣይሌቲዲ ዴዒይሳታ ኣይሌቲፋፌ ዋዛናሳ።

16 ቱማ ዩሱሲ ዩዳይ ኣብራሃማ ዜሬሒ ማዳናፌ ኣቲን ከታንቸታ ማዳናሳ ጊዴና።

17 ኣሳ ናጋራይ ኣቶ ጌቲታና ማላ ያሳ ሲንፋን ማሪያኔ ኣማኔቲዳ ካሂኔ ሃላቃ ጊዲሰ። ሄሳ ጊሾ፣ ኢ ኡባባን ባ ኢሻታ ዳናናው ቤሴስ።

18 ኢ ባ ሁዔን ፓጩን ዋዬቲዳ ጊሾ ፓጩቴይሳታ ማዳናው ዳንዳዔስ።

3

ዩሱሲ ሙሴፔ ቦላ

1 ሄሳ ጊሾ፣ ያሳይ ጭጊዳ ጌሻ ኢሻቶ፣ ኑ ኣማኖን ጎዳ ጊዲ ጭጊያ ሃዋሪያኔ ካሂኔ ሃላቃ ዩሱሳ ቤዒቲ።

2 ሙሴይ ያሳ ኬፋ ኡባን ኣማኔቲዳይሳዳ ዩሱሲካ ባና ዶሪዳ ያሳሰ ኣማኔቲዳይሳ።

3 ከሌ ከደይሲ ከላፊ አዲዲ ቦንቸቲይሳዳ ዩሱሲ ሙሴ፤
አዲያ ቦንቸ ኤካናው ቤሴስ።

4 ኢሲ ኢሲ ከላ ከደዳ አሲ ዴዔስ። ሺን ኡባ ገገሲዳይ ያሳ።

5 ሙሴይ ያሳ ከላ ኡባን አማኔቲዳ አይሌ ገዲዲ፣ ያሳይ ሲንላፊ ጋናባሰ ማርካ ገዲሰ።

6 ሺን ኪሪሰቶሲ ያሳ ከላን ናዓዳ አማኔቲዳይሳ። ኑኒ ኤካና ገዲ ናገያ ኡፋይሳ ሚንሉዲ ናገኮ ያሳ ከሌ ገደሰ።

ያሳ አሳስ ዴዒያ ሸምፑዋ

7 ሄሳ ገሾ፣ ጌሻ አያናይ ጌይሳዳ፣

«ሃቺ ሂንቲ ያሳይ ጌይሳ ሲዒያ ዋዴ

8 ባዞ ቢታን ፓጪያ ጋላሰ፣

ሂንቲ አዋቲ ማካሊዳይሳዳ፣

ሂንቲ ዋዛና ሚንሉፊቲ።

9 ሂንቲ አዋቲ ታና ፓጪደሶና፤
አይታሙ ላይሌ ታ ኦሱዋ ቤዒደሶና።

10 ሄሳ ገሾ፣ ታ ሄ ዩሌቴላ ሃንቁታዳ፣
(ኤንቲ ኡባ ዋዴ ባንታ ዋዛናን ባሎሶና፤
ታ ኦገያ ኤሪቦኮና) ያጋሰ።

11 ሄሳ ገሾ፣ ታኒ ታ ሃንቁዋን ጫቃዳ፣
(ታ ሸምፖ ቤሳ ኡባካ ጌሎኮና) ያጋሰ።
ያገሰ።

12 ታ ኢሻቶ፣ ሂንቲፊ ኦዴንካ፣ ዴዎ ያሳፊ ሂንቲና ሻኪያ ኢታኔ
አማኖና ዋዛኒ ዶና ሜላ ናጌቲቲ።

13 ሂንቲፊ ኦናካ ናጋሪ ባሌሊን፣ ባ ዋዛና ሚንሉና ሜላ «ሃቺ»
ያጌቲዲ ዪጌቲሺን ጋላሰ ጋላሰ ኢሶይ ኢሱዋራ ዞሬቲቲ።

14 ኑ ኮይሮ አማኑዋ ኑኒ ዉርሴሌ ጋካናው ሚንሉዲ ናገኮ፣
ኪሪሰቶሳራ ኢሲፊ ላታና።

15 ጌሻ ማፃፋን፣

«ሃቺ ያሳይ ጌይሳ ሂንቲ ሲዒያ ዋዴ
ሄ ዋዴ ኤንቲ ማካላቴላን ሂኒዳይሳዳ፣

ሂንቲ ዋዛና ሚንሉፊቲ»

ያገሰ።

16 ያሳይ ገያባ ሲዒዲ ማካሊዳይ ኦኔ? ሙሴይ ገብዳፊ
ካሌሌ ከሲዳ ኡባ ገደኮናዬ?

17 ያሳይ ኦይታሙ ላይሴ ኦና ሃንቁቲዳ? ናጋራ ኦሊዳይሳታኔ ኤንታ ኦሃይ ባዞ ቢታን ዎዲ ኦቲዳ ኦሳታ ጊደኮናዬ?

18 ቃሲ ያሳይ፡ «ታ ሹምፖ ሴሳ ጌሌኬታ» ያጊዲ ጫቂዳይ፡ ኢያው ከቲቶና ኢዲዳ ኦሳፔ ኦቲን ኦዴሴ?

19 ሂዛ፡ ኤንቲ ሄ ሹምፖ ሴሳ ጌሎና ኦቲዳይ ኦሚኒቦና ጊሾ ጊዴይሳ ኦ ሴፆሰ።

4

1 ሂዛ፡ ያሳይ ኦና ባ ሹምፖ ሴሳ ጌልሳና ጊዳ ቃላይ ቡሮ ሲንሳፌ ዴዲያ ጊሾ ሂንቴፌ ኦኒካ ሄ ሹምፖ ሴሳ ጌሎና ኦቶና ሜላ ናጌቶሰ።

2 ኤንታው ዎንጌላይ ሳባኬቲዳይሳዳ፡ ኦሰካ ሳባኬቲሰ። ሺን ኤንቲ ሲዲዳባ ኦሚኒዲ ኤኪቦና ጊሾ ኤንታ ሳዲቤና።

3 ጊደሺን፡ ኦላሜይ ሜዴቶሳፔ ደሚዲ ያሳ ኦሶይ ፖሌቲዳይሳ ጊዲኮካ፡ ያሳይ፡

«ታኒ ታ ሃንቁዎን ጫቃዳ፡

ታ ሹምፖ ሴሳ ኡባካ ጌሎኮና»

ጊዳይሳዳ፡ ኦኒ ኦሚኒዳይሳቲ ኢያ ሹምፖ ሴሳ ጌላና።

4 ላፑንሳ ጋላሳባ ኢሲ ሴሳን፡ «ያሳይ ላፑንሳ ጋላሳን ባ ኦሶ ኡባፌ ሹምፒሰ» ያጊሰ።

5 ቃሲካ ሄ ሴሳን፡ «ኤንቲ ታ ሹምፖ ሴሳ ኡባራካ ጌሎኮና» ያጊሰ።

6 ኮይሮ ዎንጌላ ሲዲዳይሳቲ ከቲቶና ኢዲዲ ሹምፖ ሴሳ ጌሊቦኮና። ያኒያ ጊሾ፡ ሃዲካ ሄ ሹምፖ ሴሳ ጌላና ኢሲ ኢሲ ኦሳቲ ዴፆሶና።

7 ሂሳ ጊሾ፡ ያሳይ፡ «ሃቺ» ጊዲ ያጊሹ ኢሲ ጋላሰ ኦሰ ቃንዲሰ። ዳሮ ዎዴፔ ጉዬ ያሳይ ዳዊቲ ባጋራ፡

«ያሳይ ጊያባ ሃቺ ሂንቴ ሲዲያ ዎዴ

ሂንቴ ዎዛና ሚንሶፊቲ»

ያጊዲ ኦዲሰ።

8 ኢያሱይ ኤንታው ሹምፑዎ ኢሚዳባ ጊዲያኮ፡ ያሳይ ሃራ ጋላሳባ ጉዬፔ ኦዴናሺን።

9 ሂዛ፡ ያሳ ኦሳሰ ሳምባታ ሹምፖይ ናጌቲዲ ዴዴሰ።

4:3 ማዝ 95:11 4:4 ሜዴ 2:2 4:5 ማዝ 95:11 4:7 ማዝ 95:7-8
4:8 ዛሬ 31:7፤ ኢያ 22:4

10 ያሳ ሾምፖ ቤሳ ጌሊያ ኦኒካ፣ ያሳይ ባ ኦሱዋፔ ሾምፒዲይሳዳ ኢካ ባ ኦሱዋፔ ሾምፓና።

11 ሄሳ ጊሾ፣ ኦኒካ ሄ አሳ ከቴቴላ ኢጹዋ ካሊዲ፣ ኩንዶናዳ ያሳ ሾምፖ ቤሳ ጌላናው ሚኖሰ።

12 ያሳ ቃላይ ዴዖኔ ኦፊይሳ። ናምዑ ባጋራ ቃራቲዳ ማሻፌ አጲዲ ኦፎ። ኢ ሾምፖ፣ አያና፣ ፃጶኔ ኮሊዜ ጋካናው ካንሊዲ ጫዴሰ። ቃሲ አሳ ዋዛናን ዴዒያ ጌሚዳ ቆፋኔ አሙዋ ሻኪዲ ፒርዴሰ።

13 ያሳ ሲንሳፌ ቆሴቲያባይ አይባ ሜዴቴሊካ ባዋ። ኢያ አይፌ ሲንሳን ኡባባይ ቆንጨኔ ካሎ ዴዔሰ። ኦኒ ዛር ኢማናው ቤሴይ ኢያ ሲንሳና።

ጊታ ካሂኔ ሃላቃ ዬሱሳ

14 ሂዛ፣ ሳሎ ኬዪዳ ጊታ ካሂኔ ሃላቃይ፣ ያሳ ናባይ ዬሱሲ፣ ኦሰ ዴዒያ ጊሾ ኦ አማኑዋ ሚንሊዲ ናጎሰ።

15 ኦ ካሂኔ ሃላቃይ ኦ ዳቡሪያ ዋዴ ኦሰ ቃዴታናው ዳንዳዔይሳ። ኢ ናጋራ ኦሊቤና፣ ሺን ኦዳ ኡባባን ፓጩቲሰ።

16 ሂዛ፣ ማርቴላ ኤካናዉኔ ማዴ ኮሺያ ዋዴ አጲ ኬሃቴላ ዴማናው አጲ ኬሃቴላይ ዴዒያሱዋ ያሳ አራታኮ ያዮና ሺቆሰ።

5

1 ኢሲ ኢሲ ካሂኔ ሃላቁ አሳ ጊዶፌ ዶሬቲዲ፣ ያሳራ ጋሊያባን አሳ ጊሾ ኢሞታኔ ናጋራ ያርሾ ያርሻናው ሹሜቴሰ።

2 ኢ ባ ሁዔን ዳቡራንቾ ጊዲያ ጊሾ ኤርናይሳታሲኔ ባሌይሳታሰ ቃዴታናው ዳንዳዔሰ።

3 ኢ ባ ናጋራ ጊሾኔ አሳ ኡባ ናጋራ ጊሾ ያርሾ ያርሻናው ቤሴይ ሄሳሳ።

4 ኦኒካ ሃ ቦንቹዋ ባው ኤካናው ዳንዳዔና፣ ሺን አርኒ ካሂኔ ሃላቃ ጊዳናው ጃጌቲዳይሳዳ ያሳን ጃጌታናው ቤሴሰ።

5 ሄሳዳካ፣ ኪሪሰቶሲ ካሂኔ ሃላቃ ጊዲያ ቦንቹዋ ባው ኤኪቤና። ሺን ያሳይ ኢያ፣

«ኔኒ ታ ናባ።

ሃቺ ታ ኔው አዋ ጊዳሰ»

ያጌሰ።

6 ቃሲ ሃራሱን፣

«ማልኬፀዲቄይ ካሂኔ ገዲዳይሳዳ፥
ኔኒ ሜሪናው ካሂኔ ገዳና»
ያጌሰ።

7 ዩሱሲ አሴ ገዲዲ ሃ አላሚያን ዴዲያ ዋዴ ባና ሃይቆፔ አሻናው ዳንዳዲያ ያሳ ዳሮ ዩሆኒኔ አፋላን ዋሲሰ። ኢ፥ ኢያ ቦንቹዲ ከቴቴዳ ገሾ ያሳይ ኢያ ዋሳ ሲዲሰ።

8 ዩሱሲ ያሳ ናዓ ገዲኮካ ባ ዋዬቲዳ ዋያን ከቴቴሌ ታማሪሰ።

9 ሂሳንካ፥ ዩሱሲ ባ ኦሱዋ ፖሊዳፔ ጉዬ ባው ከቴቴያ ኡባይ ሜሪና አቶቴላ ዴማና ሜላ ጋሶ ገዲሰ።

10 ያሳይ ማልኬፀዲቄ ሹሚዳይሳዳ ካሂኔ ሃላቃ ኦሌዲ ኢያ ሹሚሰ።

አማኑዋን ዳቡሮና ሜላ ኢሜቲዳ ናገሶ

11 ሃ ኑ ኦዳ ቦላ ጉጂ ሃሳያናባይ ዳሮባይ ዴዴሰ፥ ሺን ሂንቴ አኬካይ ጉላ ገዲያ ገሾ ሂንቴው ኦዲ ጌልሳናው ዋይሴሰ።

12 ሂንቴ ሃናዴ አሰታማሬ ገዳናው ቤሴሰ፥ ሺን ያሳ ቃላ ኮይሮ ቲሚርቲያ ሂንቴና ዛሪ ታማርሲያ ሃራ አሲ ኮሼሰ። ሂንቴ ሚኖ ካሌ ማናው ዳንዳዳና ገሾ ማሌ ኮሼሰ።

13 ማሌ ፓሄቴያ ኦኒካ ዮጋ ናዓ ገዲያ ገሾ ሎዶኔ ኢታ ሻኪ ኤሪና።

14 ሺን ሚኖ ካሌ ሎዶኔ ኢታ ሻኪዲ ኤሪያ ካሃማ አሳሳ።

6

1 ሂዛ፥ ከሪሰቶሳባ ታማርሲያ ኮይሮ ቲሚርቲያ አገዲ ከሪሰቶሳን ካሃማቴላኮ ቦሰ። ሃይቆ ኦሶፔ ሲሞባኔ ያሳ አማኖባ ኮይሮ ቲሚርቲያኮ ጉዬ ሲሞኮ።

2 ሄሳዳካ፥ ዪንቃቴታባ፥ * ኩሼ ዋሶባ፥ ሃይቆፔ ዴንዶባኔ ሜሪና ፒርዳባ ዛሪ ታማርኮ።

3 ያሳይ ገኮ ኑ ሂሳ አሳና።

4 ኢሲ ቶሆ ፖያይ ፖዲዳይሳታ፥ ሳሎ አሞታ ኤኪዳይሳታ፥ ጌሻ አያናን ሻኬቲዳይሳታ፥

5 ሎዶ ያሳ ቃላኔ ሲንሳፌ ያና አላሚያ ዋልቃ ቤዲዳይሳታ፥

5:6 ማዘ 110:4 5:7 ማቶ 26:36-46፤ ማር 14:32-42፤ ሉቃ 22:39-46
5:12 1ቆሮ 3:2 * 6:2 ዪንቃቴታባ፥ ሃ ቤሳን ዪንቃቴታባ ጌቴቲዳይ ዲማ ዲማ ጌሾ ዋጋታባ ኦዳናሳ።

6 ጉዬፔ ካዲዳይሳታ ናጋራፔ ናምዓንሉ ዛራናው ዳንዳዔቴና።
አይሰ ገኩ፣ ኤንቲ ባንታ ጳዩዋሰ ያሳ ናዓ ዛሪ ካቂያ ማላ
ማሰቃሊያ ቦላ ኢያ ካቆሶና ኣሳ ሲንፋን ካወሾሶና።

7 ኡባ ዎዴ ኢ ቦላ ቡኪያ ኢራ ኡያዳ፣ ጎዪዳ ኡራ ማዲያ
ካሊ ኢሚያ ቢቲያ ያሳን ኣንጄቲዳሮ።

8 ሺን ኣጉንሉኔ ኪንቸቲ ዶሊያ ቢቲያ ኣይቢባካ ማዲኩ፤ ኢው
ቃንጌላይ ማታቲሰ፤ ወርሴላን ፀጌታና።

9 ኑ ሲቆ ኢሻቶ፣ ኑኒ ሃይሳዳ ኦዲያባ ገዲኮካ፣ ሂንቴና
ኣቶቴላኮ ካሌሊያ ሎዎባይ ሂንቴው ዴዔይሳ ኤሮሰ።

10 ያሳይ ሱሬ ፐርዴይሳ። ያሳይ፣ ሂንቴ ኦሊዳ ኦሱዋኔ
ካሴ ገዲን ሃዒካ ኣማኔይሳታ ማዲዲ፣ ኢያው ዴዔያ ሲቁዋ
ቤሲዳይሳ ዶጌና።

11 ሂንቴ ኡባይ ኡፋይሳን ናጌይሳ ዴማና ጋካናው ሃ ሚኖቴላ
ወርሴሊ ጋካናው ቤሳና ማላ ኑ ኣሞቶሰ።

12 ሂንቴ ኣማኖኒኔ ዳንዳዓን ናገያ ኡፋይሳ ላቲያ ኣሳ ዳናና
ሚላፔ ኣቲን ኣዛላ ገዳና ማላ ኮዮኮ።

ያሳይ ኢሚዳ ኡፋይሳይ ሲዲሴና

13 ያሳይ ኣብራሃሚስ ኢማና ገዲ ጫቂዳ ዎዴ ባፔ ኣዲያ ሃሪ
ገቲ ባይና ገሾ ባ ሁዔን ጫቂሰ።

14 ኢያኮ፣ «ታኒ ኔና ኣንጅና፤ ኔ ዜሬላካ ዳርሳና» ያገሰ።

15 ኣብራሃሚይ ዳንዳዓን ናገዲ ያሳይ ኢማና ገዲ ኡፋይሳ
ኤኪሰ።

16 ኣሲ ጫቂሾ ባፔ ገታቲያ ኡራን ጫቂሰ፤ ሄ ጫቆይ
ጌቲቲዳባ ሚንሊዲ፣ ፓላማ ኡባ ቴቁሰ።

17 ሄሳ ገሾ፣ ያሳይ ባ ላሚቶና ቆፋ ኡፋይሳ ቃላ ላቴይሳታሰ
ቆንጨሳናው ኮዪዳ ገሾ ጫቆን ሚንሊሰ።

18 ያሳይ ዎርዶቲና። ኢያ ኡፋይሳ ቃላይኔ ጫቆይ፣ ናምዓይካ
ላሚቶኮና። ሃ ናምዑባታን ኑ ሲንፋን ዴዔያ ኡፋይሳ ኦይካናው
ዳናዳና ማላ ጌሼ ዴማናው ኢያኮ ባቃቲዳ ኑኒ፣ ዎልቃማ
ሚንሌሶ ዴማና።

19 ሃ ኡፋይሳይ ኑ ሸምፑዋሰ፣ ማርካቤይ ቃዶናዳ ሚንሊዲ
ኦይኪያ ቢራታ ማላ። ሄ ኡፋይሳይ ማጋራጅዋፌ ጉዬ ባጋን
ዴዔያ ጌሻ ቤሳ ጌሊሰ።

20 ዬሱሲ ማልኪያዲቁ ሹማቴላዳ ሚሪናው ካሂኔ ሃላቃ
ገዲዲ፣ ኑ ገሾ ኑፔ ሲንፋቲዲ ሄ ቤሳ ጌሊሰ።

7

ካሂኒያ ማልኬፃዲቄ

1 ማልኬፃዲቄይ፣ ሳሌሜ ካዎይ፣ ኡባፌ ቦላ ያሳ ካሂኔ። ሄ ማልኬፃዲቄይ ኣብራሃሜይ ካዎታ ኦሊ ያኒዲ ሲሚሺን ኢያራ ጋሄተዲ ኢያ ኣንጂሱ።

2 ኣብራሃሜይ ባ ዲዲዳባ ኡባፌ ኢያው ኣሰራታ ኬሲዲ ኢሚሱ። ማልኬፃዲቄ ሱንጻይ ኮይሮ «ደሎቴላ ካዎ»፣ ናምዓንሉ፣ «ሳሌሜ ካዎ» ቢርሹላይ፣ «ሳሮቴላ ካዎ» ጉሱ።

3 ማልኬፃዲቄስ ኢያ ዎይኮ ኣዉ ዎይኮ ዛሬ ፓይደይ ባዎ። ኢያ ዩሌቴላስ ደሜሌ ዎይኮ ኢያ ዴዑቀሰ ዉርሴሌ ባዎ፣ ሺን ያሳ ናዓ ዳኒዲ ሜሪናው ካሂኔ ገዲሱ።

4 ማልኬፃዲቄይ ኣይ ሜላ ገቴኮ ቤዒቴ። ኑ ኣዎታ ማይዛይ፣ ኣብራሃሜይ፣ ባ ዴዲዳባ፣ ኢያው ኣሰራታ ኢሚሱ።

5 ካሂኔ ገዲያ ሌዌ ዛሬይ ኢሰራዔሌ ኣሳፕ፣ ሄሲካ ኣብራሃሜ ዜሬሌ ገዲዳ ባንታ ኢሻታፕ ኣሰራታ ኤካና ሜላ ሂጌይ ከቴሱ።

6 ማልኬፃዲቄይ ሌዌ ዛሬ ገደና ኢደኮካ ኣብራሃሜፕ ኣሰራታ ኤኪሱ፤ ኡፋይሳ ቃሊ ዴዲያ ኣብራሃሜ ኣንጂሱ።

7 ጉላይ ገታን ኣንጃቴይሲ ፓላንሉና።

8 ኢሲ ባገራ፣ ኣሰራታ ኤኬይሳቴ ሃይቄያ ኣሳታ፣ ሺን ሃራ ባገራ ኣሰራታ ኤኬይሲ ዴዶን ዴዔስ ያገዲ ኦዴቴዳይሳ።

9 ሂዛ፣ ኣሰራታ ኤኪያ ሌዌይ፣ ኣብራሃሜ ባገራ ኣሰራታ ኢሚሱ ገናው ዳንዳዔቴሱ።

10 ኣይሰ ገኮ፣ ማልኬፃዲቄይ ኣብራሃሜራ ጋሄተያ ዎዴ ሌዌይ ዩሌቴቦናባ ገዲኮካ፣ ባ ማይዛ ኣብራሃሜ ጉልባታን ዴዔስ።

11 ኢሰራዔሌ ኣሳሰ ሂጌይ ሌዌ ካሂኔቴላ ባገራ ኢሚቴሱ። ሃ ሌዌ ካሂኔቴላይ ፖሎ ገዲዳባ ገዲያኮ ኣርናይሳ ሜላ ገደናሺን፣ ማልኬፃዲቄ ሜላ ሃራ ካሂኔ ሹማናው ኣይሰ ኮሺዴ?

12 ሂዛ፣ ካሂኔቴ ላሚቴያ ዎዴ ሂጌይካ ቃሲ ላሚታናው ቤሴሱ።

13 ሃ ኑ ኢያባ ኦዲያ ኡራይ ሃራ ዛሬ፤ ኢያ ሹሻፕ ኦኒካ ያርሾ ቤሳን ካሂኔቴላን ኦሊቤና።

14 ኑ ጎዳይ ዩሁዳ ሹሻፕ ዩዳይሲ ኤሬቴዳይሳ። ገደሺን፣ ሙሴይ ካሂንቴባ ኦዲሽ ዩሁዳ ዛሪያባ ኣይባካ ኦዲቤና።

15 ማልኬፃዲቄ ሜላ ሃራ ካሂኔይ ዩዳባ ገዲያኮ ሃ ኑ ኦዲያባይ ኣጂ ቆንጫና።

16 ኢ ካሂኔ ጊዲዳይ ቆዮና ዴዑዋ ዋልቃናፔ ኣቲን ኢያ ማይዛ ሂጌኒኔ ዋጋን ጊዴና።

17 ጌሻ ማፃፋይ፥
«ማልኬፃዲቄ ካሂኔቴላ ማላ፥
ኔኒ ማሪናው ካሂኔ»

ያጊዲ ማርካቴሰ።

18 ኮይሮ ሂጌይ ዳቡራንቾኔ ማዶናባ ጊዲያ ጊሾ ሻሬቲሰ።

19 ሙሴ ሂጌይ ኣይቢንካ ፖሎ ኦላናው ዳንዳዒቤና። ሺን ኑኒ ኢያ ባጋራ ያሳኮ ሺቂያ ኡባሬ ኣጂያ ኡፋይሳ ቃላይ ኑሰ ኢማቲሰ።

20 ኪሪሰቶሲ ካሂኔ ጊዲያ ዋዴ ያሳይ ጫቂሰ፥ ሺን ሃራቲ ካሂኔ ጊዲዳ ዋዴ ሄሳ ማላ ጫቆይ ባዋ።

21 ሺን ዩሱሲ ጫቆን ካሂኔ ጊዲሰ። ያሳይ ያጊዲ ጫቂሰ፤
«ጎዳይ ጫቂሰ፤ ኢ ባ ቆፋ ላማና፤
ሳኔ ማሪና ካሂኔ» »

ያጊሰ።

22 ሃ ጫቁዋ ጋሶን ዩሱሲ ኑሰ ኡባሬ ኣጂያ ቃላ ጫቁዋሰ ዋሴ ጊዲሰ።

23 ካሂኔቴላን ኦላና ማላ ሃይቆይ ኤንታ ዲጊዳ ጊሾ ኮይሮ ካሂኔታ ታይቦይ ዳር።

24 ሺን ዩሱሲ ማሪናው ዴዒያ ጊሾ ኢያ ካሂኔቴላ ሃሪ ላቴና።

25 ሄሳ ጊሾ፥ ኢ ኡባ ዋዴ ኤንታ ጊሾ ጋናታናው ማሪናው ዴዒያ ጊሾ ያሳኮ ኢያ ባጋራ ዩይሳታ ፖሎ ኣሻናው ዳንዳዒሰ።

26 ሂዛ፥ ኑሰ ኮሺያባ ኢማያ፥ ጌሻይ፥ ቦሬይኔ ቱኒ ባይናይሰ፥ ናጋራንቾታፔ ሻኬቲዳይሲኔ ሳሉዋፔ ኣጂዲ ቶቂዳ ካሂኔ ሃላቃይ ኑሰ ኮሺሰ።

27 ኢ ሃንኮ ካሂኔ ሃላቃታ ማላ ኮይሮ ባ ናጋራ ጊሾ ካሊዲ ኣሳ ናጋራ ጊሾ ጋላሰ ጋላሰ ያርሾ ያርሻናው ኮሺና። ኢ ባና ያርሺዳ ዋዴ ዛሬላና ኦጌን ኢሲ ቶሆ ባና ያርሺሰ።

28 ሙሴ ሂጌይ ዳቡራንቾ ኣሳ ካሂኔ ሃላቃ ኦሊዲ ሹማሰ። ሺን ሂጊያሬ ጉዬ ዩዳ ጫቆ ቃላይ ማሪናው ፖሎ ጊዲዳ ያሳ ናባ ሹማሰ።

8

ዩሱሲ ኑ ካሂኔ ሃላቃ

1 ኑኒ ሃሳያ ጊታባይ ሄሳ። ሳሉዋን ኡባፌ ቦላ ያሳ ኣራታፔ ኡሻቻ ባጋን ኡቲዳ ሃይሳ ማላ ካሂኔ ሃላቃይ ኑስ ዴዔስ።

2 ኢ ኣሳን ጊደናሺን ጎዳን ኤቂዳ ቱማ ዲንካኒያን ያሳ ኩላን ኦሌስ።

3 ካሂኔ ሃላቃ ኡባይ ኢሞኔ ያርሾ ያርሻናው ሹሜቲስ። ሄሳ ጊሾ፣ ሃ ካሂኔይ ያርሻናው ኢሰባይ ዳናው ኮሼስ።

4 ሃጌይ ከቲይሳዳ ያርሺያ ካሂኔቲ ዴዔያ ጊሾ ከሪስቶሲ ሳዓን ዴዔያባ ጊዲያኮ ካሂኔ ጊዴና።

5 ኤንቲ ካሂኔቲላን ኦሊያ ዲንካኔይ ሳሎን ዴዔይሳስ ለሚሶኔ ኩያ። ሙሴይ ዲንካኒያ ኤሲያ ዋዴ ያሳይ ኢያኮ፣ «ታኒ ኔና ዴሪያ ቦላ ቤሲዳ ለሚሱዋ ካላዳ ኦላ» ያገሰ።

6 ሺን ዩሱሲ ጊደ ጊዲዲ ሲጌሊያ ጫቆይ፣ ኮይሮ ጫቁዋፔ ኣጲይሳዳ ኢ ኤኪዳ ኦሶይ ኤንታይሳፌ ኣጲስ። ሄሲ ኤቂዳይ ኣጲያ ጫቆ ቃላና።

7 ኮይሮ ጫቁዋን ባሊ ባይናባ ጊዲያኮ ናምዓንሉ ጫቆ ኮሼና።

8 ሺን ጎዳይ ኢያ ቦሪዲ፣ ሃይሳዳ ያገሰ።
«ታኒ ኢሰራዔሌ ኣሳራኔ ዪሁዳ ኣሳራ
ኦራላ ጫቆ ጫቂያ ዋዴይ ያና።

9 ሄ ጫቆይ ታ ኤንታ ኣዋታ ጊብፂ ቢታፌ ኩሺያ ኦይካዳ፣
ጎቻ ኩሲዳ ዋዴ ኤንታራ ጫቂዳ ጫቁዋ ማላ ጊዴና።
ኤንቲ ታ ጫቁዋን ኣማኔቲቦና ጊሾ
ታኒ ኤንታ ዩጋ ኣጋስ ያጌስ ጎዳይ።

10 ሺን ሂዛፔ ጉዬ ኢሰራዔሌ ኣሳራ
ታ ጫቃና ጫቆይ ሃይሳ ያጌስ ጎዳይ።
ታኒ ታ ሂጊያ ኤንታ ጉጊያን ዋላና፤
ኤንታ ዋዛናን ፃፋና።
ታኒ ኤንታ ያሳ ጊዳና፤
ኤንቲካ ታ ኣሴ ጊዳና።

11 ኤንታፌ ኦኒካ ባ ሾሩዋ ዋይኮ ባ ኢሻ፣
ሳዳ ኤራ፣ ያጊዲ ታማርሴና።
ኤንቲ ጉላፌ ጊታ ጋካናው
ኡባይ ታና ኤራና።

12 ታኒ ኤንታ ናቁዋ ኣቶ ጋና፤
ኤንታ ናጋራ ዛራ ቆፒኬ» ያጌስ።

13 ያሳይ ሃ ጫቁዋ «ኦራሊ» ጊዲ ዪጊሼ ኮይሮይሳ ጋልዒሲስ። ሂዛ፣ ጋልዒይኔ ጩጋይ ጳያ ዋዴይ ጋኪስ።

9

ሳሎ ጎይኖኔ ሳዓ ጎይኖ

1 ኮይሮ ጫቁዋስ ያሳ ጎይኒያ ዋጋይኔ ሳዓ ያሳ ኬላይ ዴዔስ።

2 ዲንካኔይ ኤቂስ። ኢያን ያምፔ ዋሊያ ኮጫይ፣ ፃርጳዛይኔ ጎዳ ሲንላን ዋሊያ ኡይላይ ዴዔስ፤ ሄ ቤሳይ ገሻ ቤሳ ጌቴቴስ።

3 ናምዓንሉ ማጋራጃዋፊ ጉዬ ባጋራ ዴዔያ ቤሳይ ኡባፊ ገሻ ቤሳ ጌቴቴስ።

4 ኢያ ጊደን ኢፃኔ ጩዩሲያ ዋርቃ ሳጺኔይኔ ዋርቃን ማሽቴዳ ጫቆ ታቦቴይ ዴዔስ። ሄ ጫቆ ታቦቴያን ማናይ ዴዔያ ዋርቃ ፃርይ፣ ኣጩዳ ኣርና ፃምዓይኔ ሙሴ ሂጌይ ፃፊቴዳ ናምዑ ሎቹ ሹቻቴ ዴያሶና።

5 ሄ ታቦቴያፔ ቦላ ባጋራ ኣቶቴላ ካማ ባንታ ቄፊያን ጌንሊያ ቦንቾ ኪሩቤቴ ዴያሶና። ሺን ሃዒ ሄ ኡባ ቆንጩሲዲ ኦዳናው ዳንዳያኮ።

6 ሃ ኡባይ ሃይሳዳ ጊጊዳፔ ጉዬ፣ ካሂኔቴ ኡባ ዋዴ ባንታ ኦሱዋ ኦላናው ዲንካኒያስ ኮይሮ ኪፊሊያ ጌሎሶና።

7 ሺን ካሂኔ ሃላቃ ፃላሊ ዲንካኒያስ ናምዓንሉ ኪፊሊያ ላይላፊ ኢሲ ቶሆ ጌሊስ። ኢ ያ ጌሊሼ ባ ናጋራ ጊሾኔ ኣሳይ ኤርና ኦሊዳ ናጋራ ጊሾ ሱላ ያርሾ ኤኮና ጌሊና።

8 ኮይሮ ዲንካኔይ ኤቂዲ ዴዒሺን፣ ኡባፊ ገሻ ቤሳ ኤፊያ ኦይ ቡር ዶዩቴቦናይሳ ገሻ ኣያናይ ሄሳን ኤሪሴስ።

9 ሄሲ ሃ ዋዲያስ ለሚሶ፤ ያሳስ ኢሜቴያ ኢሞይኔ ያርሾይ ጎይኒያ ኡራ ካሃ ገሻናው ዳንዳያይሳ ሃይሲ ቤሴስ።

10 ሄሳቴ ሙሳባ፣ ኡሻባኔ ዲማ ዲማ ማቻ ዋጋታ ኦዴይሳታ። ኤንቴ ኦራላ ዋጋይ ያና ጋካናው ኦሴቴያ ካሬ ባጋ ዋጋታ።

11 ሺን ኪሪሰቶሲ ሃዒ ኦ ዴሚዳ ሎያባታስ ካሂኔ ሃላቃ ጊዲዲ ዩሰ። ኢ ጌሊዳ ዲንካኔይ ጊታኔ ፖሎ ጊዲዳይሳ። ሄ ዲንካኔይ ኣሳ ኩሼን ኦሴቴቤና ቃሲ ሃ ኣላሚያባ ጊዳና።

9:2 ከሳ 26:1-30፤ 25:31-40 9:3 ከሳ 26:31-33 9:4 ከሳ 30:1-6፤ 25:10-16፤ 16:33፤ ታይ 17:8-10፤ ከሳ 25:16፤ ዛሬ 10:3-5 9:5 ከሳ 25:18-22 9:6 ታይ 18:2-6 9:7 ለዌ 16:2-34

12 ኪሪሰቶሲ ኡባፌ ጌሻ ቤሳ ጌሊያ ዎዴ ዴሻ ሱሊኔ ማራ ሱሊ ኤኪዲ ጌሊቤና። ሺን ማሪና ኣቶቴላ ኢማናው ባ ሱላ ኤኪዲ ዛሬሶና ኦገን ኢሲ ቶሆ ጌሊሰ።

13 ዴሻ ሱላይኔ ኮርማ ሱላይ፣ ፀጌተዳ ኡሳ ቢዶይ፣ ቱኒዳ ኣሳ ቦላ ቆርጩተዲ ኤንታና ጌሺያባ ጊዲኮ።

14 ማሪና ጌሻ ኣያና ባጋራ ቦሬይ ባይና ያርሾ ኦሊዲ፣ ያሳሰ ባና ኢሚዳ ኪሪሰቶሳ ሱላይ፣ ዴዎ ያሳ ጎይናና ማላ ሃይቆ ካሌሊያ ኦሱዋፔ ኦ ካሃ ዋቲ ኣሊ ጌሺኔ?

15 ሃሳ ጊሾ፣ ያጌተዳይሳቲ ያሳይ ኢሚዳ ማሪና ላታ ኤካና ማላ ኪሪሰቶሲ ኦራሳ ጫቁዋሰ ጊዶ ጊዲዲ ሲጌሌይሳ ጊዲሰ። ሄሲ ሃኒዲይ ኣሳይ ኮይር ጫቁዋፔ ጋርሳን ዴዲያ ዎዴ ኦሊዳ ናጋራፔ ኤንታና ዎዛናው ኢ ሃይቁዳይሳና።

16 ሃዛ፣ ኬኬይ ዴዲኮ፣ ሄ ኬኪዳ ኡራ ሃይቆይ ኤሬታናው ኮሺሰ።

17 ኬኪዳ ኡራይ ሃይቁኮ ኢያ ኬኬይ ሚኔሰ። ኬኪዳ ኡራይ ሃይቆና ኣቲኮ ኢያ ኬኬይ ኦሌና።

18 ሃሪ ኣቶሺን፣ ኮይር ጫቆይካ ሱሊ ባይና ሚኒቤና።

19 ሙሴይ ሂጌ ኪታ ኡባ ኣሳሰ ኦዲዳፔ ጉዬ ማራ ሱሊኔ ዴሻ ሱሊ ሃላራ ዋላኪዲ፣ ዘዎ ዶርሳ ኢኪሴኔ ሂሶጴ ቦንጮ ኤኪዲ፣ ማፃፋ ቦላኔ ኣሳ ቦላ ዉርዒሰ።

20 ሙሴይ ኣሳኮ፣ «ሂንቴ ናጋና ማላ ያሳይ ኪተዳ ሱላ ጫቆይ ሃይሳ» ያጊሰ።

21 ሃሳዳካ፣ ዲንካኒያ ቦላኔ ኦሊያ ሚሽ ኡባ ቦላ ሱላ ዉርዒሰ።

22 ቱማካ ሃጌይ ጌይሳዳ ጉላባታፔ ኣቲን ኡባባይ ሱላን ጌዬሰ። ሱሊ ጉኮናሺን ኣቶቴሊ ባዎ።

ዬሱሳ ፖሎ ያርሹቴላ

23 ሳሉዋባሰ ለሚሶ ጊዲዳይሳቲ ኡባይ ማሄ ያርሾን ጌያናው ኮሺሰ። ሺን ሳሎባቲ ባንታ ሁዔን ሃሳፌ ኣጲያ ያርሹዋን ጌያናው ኮሺሰ።

24 ኪሪሰቶሲ ቱማ ያሳ ኬላሰ ለሚሶ ጊዲዳ፣ ኣሳ ኩሺን ኦሴተዳ ኡባፌ ጌሻ ቤሳ ጌሊቤና። ሺን ኢ ሃዲ ኦ ጊሾ ያሳ ሲንላን ቤንታናው ሳሉዋ ጌሊሰ።

9:13 ሉዌ 16:15-16፤ ታይ 19:9፣ 17-19 9:19 ኬሳ 24:6-8 9:21 ሉዌ 8:15 9:22 ሉዌ 17:11

25 ካሂኔ ሃላቃይ ላይላን ላይላን ባ ሱሊ ጊዶናይሳ ኤኪዲ፥ ኡባፌ ጌሻ ቤሳ ጌሌሰ። ሺን ኪሪሰቶሲ ዳር ቶሆ ባና ያርሻናው ሳሎ ጌሊቤና።

26 ሄሳዳ ሃኒዳባ ጊዲያኮ፥ ኪሪሰቶሲ አላሜይ ሜዴቶሳፕ ደሚዲ ዳር ቶሆ ዋዬታናው ኮሼሰ። ሺን ሃዒ ዋዲያ ወርሴላን ናጋራ ዲጋናው ባና ያርሺዲ ዛሬሉና ኦጌን ኢሲ ቶሆ ቤንቲሰ።

27 ኢሲ ኡባይ ኢሲ ቶሆ ሃይቃናው ሄሳፌ ጉዬ ፒርዳታናው ቤሴሰ።

28 ሄሳዳካ፥ ኪሪሰቶሲ ዳር አሳ ናጋራ ዲጋናው ኢሲ ቶሆ ያርሹቲሰ። ሺን ኢ ናጋራ ቶካናው ጊዶናሺን ባና ናጌይሳታ አሻናው ናሞዓንሉ ቆንጫና።

10

1 ሙሴ ሂጌይ ያናው ዳዒያ ሎጾባታሰ ኩያፔ አቲን ባ ሁዒን ዋና ጊዳና። ሄሳ ጊሾ፥ ላይላን ላይላን ፓጩይ ባይና ያርሹቲያ ያርሾይ ጎይናናው ሸቂያ አሳ ፖሎ ኦላናው ዳንዳዒና።

2 ሂጌይ ኤንታ ፖሎ ኦላናው ዳንዳዒዳባ ጊዲያኮ ኤንቲ ያርሾ ያርሹይሳ አጋናሺን። ቃሲ ጎይናናው ሸቂያ አሳይ ባንታ ናጋራፔ ጌያና፤ ኤንታ ካሃይካ ኤንታና ባላ ጊዲ ሞቲና።

3 ሺን ሄ ያርሾቲ ላይላን ላይላን ናጋራ ቆፊሶሶና።

4 አይሰ ጊኮ፥ ኮርማ ሱሊኔ ዳሻ ሱሊ ናጋራ ዲጋናው ዳንዳዒና።

5 ሄሳ ጊሾ፥ ኪሪሰቶሲ ሃ አላሚያ ዪዳ ዋዴ ሃይሳዳ ያጊሰ፡

«ኔኒ ያርሾኔ ኢሞ ኮያባካ፤
ሺን ታው አሾ ጊሊሳዳሳ።»

6 ኔኒ ፀጌቲያ ያርሾኒኔ
ናጋራ ያርሹዋን ኡፋይታባካ።

7 ሄ ዋዴ ሓ ጊሾ ማፃፋን ፃፊቲዳይሳዳ፡
ጎዳው፥ ታኒ ኔ ሺኒያ ኦላናው ያሰ። ያጋሰ»
ያጊሰ።

8 ያርሾይ ያርሹታና ሜላ ሂጌይ ኪቲያባ ጊዲኮካ፥ ኪሪሰቶሲ ኮይሮ፥ «ኔኒ ያርሾኔ ኢሞ፥ ፀጌቲያ ያርሾኔ ናጋራ ያርሾ ኮያባካ፤ ኤንታን ኡፋይታባካ» ያጊሰ።

9 ካሊዲካ ኢ፥ «ጎዳው፥ ሄኮ ታኒ ኔ ሼኒያ ኦላናው ያሰ» ያገሰ። ሄሳ ገሾ፥ ኪሪሰቶሲ ናምዓንሉዋ ኤሳናው ኮይርይሳ ሻሪሰ።

10 ዬሱስ ኪሪሰቶሲ ያሳ ሼኒያ ኦሊዲ፥ ዛሬላና ኦጌን ኢሲ ቶሆ ባ ኣሹዋ ያርሺዲ ገሾ ኮኒ ጌዪዲ።

11 ካሂኔ ኡባይ፥ ናጋራ ዲጋናው ዳንዳያና ሄ ያርሾታ ጋላሰ ጋላሰ ያርሺሼ ኤቂዲ ባ ኦሱዋ ኦሌሰ።

12 ሺን ኪሪሰቶሲ ኡባ ዋዴሰ ገዲያ ኢሲ ናጋራ ያርሹዋ ያርሺዲ፥ ያሳፌ ኡሻቻ ባጋን ኡቲሰ።

13 ሄ ዋዲያፔ ዶሚዲ ኢያ ሞርኬቲ ኢያ ቶሆይ ዬዲያባ ኦላና ጋካናው ናጌሰ።

14 ኢ ዛሬላና ኦጌን ኢሲ ቶሆ ባና ያርሺዲ ያርሹዋን ጌሻታ ሜሪናው ፖሎ ኦሊሰ።

15 ቃሲ ጌሻ ኣያናይ ኦሰ ሃይሳ ማርካቴሰ። ኮይር ሃይሳዳ ያገሰ።

16 «ሄ ጋላሳታፔ ጉዬ፥ ታኒ ኤንታራ ጫቂያ ጫቆይ ሃይሳ፥ ታኒ ታ ሂጊያ ኤንታ ቆፋን ዋላና፤ ኤንታ ዋዛናን ፃፋና»

ያጌሰ።
17 ካሊዲካ፥ «ታኒ ኤንታ ናጋራኔ ኤንታ ኢታ ኦሱዋ ዛራ ቆፒኬ»

ያጌሰ።
18 ሂዛ፥ ናጋሪ ኣቶ ጌቴቲዳፔ ጉዬ ናጋራሰ ያርሹቲያ ያርሾ ኮሼና።

እኔ ያሳኮ ሺቆሰ

19 ሂዛ፥ ታ ኣሻቶ፥ ኮኒ ዬሱሳ ሱላ ባጋራ ኡባፌ ጌሻ ቤሳ ጌላናው ኦሰ ሚኖቴሊ ዴዔሰ።

20 ኦ ጌላናይ ኪሪሰቶሲ ባ ማጋራጂዋ፥ ሄሲካ ባ ኣሹዋ ባጋራ ኦሰ ዶዩዳ ኦራሊኔ ዴያ ጊዲዳ ኦጊያና።

21 ኦሰ ያሳ ኬላ ቦላ ሹሜቲዳ ገታ ካሂኔ ሃላቃይ ዴዔሰ።

22 ኮኒ ኢታ ካሃፔ ጌያናው ኦ ዋዛና ዉርፄቲዲ፥ ኦ ኣሳቴላ ዒሎ ሃላን ሜጩቲዲ፥ ሱሬ ዋዛናኒኔ ፖሎ ኣማኖን ያሳኮ ሺቆሰ።

23 ኦሰ ኡፋይሳ ቃላ ኢሚዳ ያሳይ ኣማንቲዳይሳ ገዲያ ገሾ ኦ ማርካቲያ ኡፋይሳ ኡሻቹ ሃዲርሲ ጎና ሚንሉዲ ኦይኮሰ።

10:11 ኬሳ 29:38 10:12 ማዝ 110:1 10:16 ኤር 31:33 10:17 ኤር 31:34 10:22 ሉዌ 8:30፤ ሃዝ 36:25

24 ኢሶይ ኢሱዋ ሲቆሲኔ ሎዎ ኦሶስ ዋቲ ዴንጮላኑ ኣኔ ቆፖስ።

25 ኢሶቲ ኢሶቲ ሜዜ ኦሲዲ ሺቄይሳ ኣገዳይሳዳ ኮኒ ኢሲፌ ሺቄይሳ ኣጎኩ። ሺን ጎዳ ጋላሳይ ማታቲዳይሳ ሂንቲ ቤዒያ ጊሾ ሄሳ ካሴይሳፌ ኣሲዲ ኦሲቲ።

26 ኮኒ ቱማ ኤራቴላ ኤኪዳፔ ጉዬ ኤሪሽ ናጋራ ኦሲኮ፣ ሂዛፔ ኑ ናጋራ ጊሾ ያርሼታና ያርሾይ ባዋ።

27 ሺን ሂዛ ኣቲዳይ ያሺያ ፐርዳኔ ያሳ ሞርኬታ ፀጋናው ገጊዳ ዋልቃማ ታማ።

28 ሙሴ ሂጊያ ከቲቶና ኢዲዳ ኦኒካ ናምዑ ዋይኮ ሄቭ ኣሲ ኢያ ቦላ ማርካቲኮ ቃዴይ ባይናሺን ሃይቄስ።

29 ያቲን፣ ያሳ ናዓ ካዲዳ ኡራይ፣ ባና ጌሺዳ ያሳ ጫቆ ሱላ ቱናባዳ ቆፒዳ ኡራይ፣ ቃሲ ኣጼ ኬሃቴላ ኣያና ጫዪዳ ኡራይ፣ ኣይ ሚላ ኢታ ፐርዳ ኤካናው ቤሲያኮ ኣኔ ቆፒቲ።

30 ሂዛ፣ «ሃሎ ኬሶይ ታባ፣ ታ ኩሽ ዛራና» ገዳይሳ ኑ ኤርስ። ቃሲካ፣ «ጎዳይ ባ ኣሳ ፐርዳና» ያገሰ።

31 ዴዎ ያሳ ኩሽን ኩንዴሊ ዳር ያሸሰ።

32 ሂንቲው ያሳ ፖዖይ ፖዒዳፔ ጉዬ ሂንቲ ዳር ዋዬን፣ ጌታ ባዳን ጌንጨዳ ቤኒ ዋዲያ ቆፒቲ።

33 ኢሲ ኢሲ ቶሆ ሂንቲ ኣሳ ሲንላን ጫዬቲዳታ፤ ጎዴቲዳታ፤ ኢሲ ኢሲ ቶሆ ሄሳ ሚላ ዋዬይ ጋኪዳ ኣሳራ ኢሲፌ ዋዪዳታ።

34 ቃሾን ዴዒያ ኣሳሰካ ቃዴቲዳታ። ሂንቲው ሎዖኔ ጳዮና ሻሎይ ሳሎን ዴዒይሳ ሂንቲ ኤሪዳ ጊሾ ሂንቲ ሻሎይ ቦንቄቲያ ዋዴ ኡፋይሳን ዳንዳዒዳታ።

35 ሄሳ ጊሾ፣ ጌታ ዋይቶይ ዴዒያ ሂንቲ ሚኖቴላ ዬጎፊቲ።

36 ያሳ ሺኒያ ፖሊዲ፣ ኢ ሂንቲው ኢማና ገዳ ኡፋይሳ ኤካና ጋካናው ጌንጨናው ኮሺሰ።

37 ሂዛ፣ ጌሻ ማፃፋን፣

«ኢ፣ ያና ገዳይሲ ያና፤ ጋምዔና።

38 ሺን ታ ዪሎይ፣ ታናን ኣማኔቲዲ ዳና፤

ኦኒካ ጉዬ ሲሚኮ ታና ኡፋይሴና»

ያገሰ።

39 ኮኒ ኣማኔቲዲ ኣቲያ ኣሳ ባጋፌ ኣቲን ጉዬ ሲሚዲ ጳያ ኣሳ ባጋ ገደኮ።

11

አማኖ

1 አማኖይ ጉሳይ፥ ዳማና ጊዲ ኡፋይሳን አማኔተዲ ናጊያባኔ ኑ በዶናባ በዔያዳ ኦሲዲ ኤኪያባ።

2 በኒ አዋቲ አማኖን ፆሳፌ ማርካቴሌ ኤኪደሶና።

3 አላሜይ ፆሳ ቃላን ሜዴተዳይሳ ኑ አማኖን ኤርሰ። ቃሲ በንጉያባይ በንቶናባፔ ሜዴተሰ።

4 አቤሊ ቃዔላይሳፌ አዲያ ያርሾ ፆሳስ ያርሺዳይ አማኖና። ፆሳይ አቤላ ኢሙዋ ኡፋይተዲ ኤኪዳ ዋዴ ኢ ዲሎ ጊዲዳይሳ ማርካቴሰ። አቤሊ ሃሪ አቶሺን፥ ሃይቂዳካ ባ አማኑዋን ሃዒ ጋካናው ኦዴሰ።

5 ሄኖኬይ ሃይቆና ሳሎ ቢዳይ አማኖና። ፆሳይ ኢያ ኤኪዳ ጊሾ ኦኒካ ኢያ በዓናው ዳንዳዒቤና። ሄኖኬይ ሳሎ ኤኬታናፔ ሲንሐ ኢ ፆሳ ኡፋይሲዳ አሲ ጊዴይሲ ኦዴተሰ።

6 አማኖይ ባይና ኦኒካ ፆሳ ኡፋይሳናው ዳንዳዒና። ፆሳኮ ያ ኦኒካ ፆሳይ ዴዔይሳኔ ባና ኮዬይሳታሰ ዋይቶ ኢሜይሳ አማኖናው ኮሺሰ።

7 ኖሄይ ቡር በንቶናባሰ ፆሳይ ኢያው ኦዲዳ ዋዴ ፆሳሰ ያዪዲ፥ ባናኔ ባ ሶ አሳ አሻናው አማኖን ማርካቤ ኬዲሰ። ያቲዲ ባ አማኑዋን አላሚያ ፐርዲዲ፥ አማኖን በንጉያ ዲሎቴላ ፆሳፌ ኤኪሰ።

8 አብራሃሜይ ላታ ኦሲዲ ኤካና ቢታ ባና ሜላ ፆሳይ ኢያ ያጊዳ ዋዴ ሃሪ አቶሺን፥ ኢ አው ቢያኮ ኤርና ኢዲኮካ ከቴተዳይ አማኖና።

9 አብራሃሜይ ፆሳይ ኢያው ኢማና ጊዳ ቢታን በቴ አሳዳ ዴዒዳይ አማኖና። ፆሳይ ሄ ኢማና ጊዳይሳ ኢያራ ኢሲፌ ላታናው ዴዒያ ዪሳቃራኔ ያይቆባራ ዋላ ዲንካኔን ዴዒሰ።

10 ኢ፥ ፆሳይ ቆፐዲ ኬዲዳ ፆላ ባሶይ ዴዒያ ካታማ ናጌሰ።

11 ሳራ ባ ሁዔን ጨሚዳባ ጊዲኮካ ኡፋይሲ ኢሚዳ ፆሳይ አማኔተዳይሳ ጊዴይሳ ኤሪዳ ጊሾ ቃንሳታናው ዋልቃ ዴሚዳይ አማኖና።

11:3 ሜዴ 1:1፤ ማዝ 33:6፣ 9፤ ዮሃ 1:3 11:4 ሜዴ 4:3-10 11:5 ሜዴ 5:21-24 11:7 ሜዴ 6:13-22 11:8 ሜዴ 12:1-5 11:9 ሜዴ 35:27 11:11 ሜዴ 18:11-14፤ 21:2

12 ሄሳ ጊሾ፣ ሃይቁዳ አሲ ዳኒያ አሲ አዲያፌ ሳሎ ያሊንቶ ማለኔ አባ ጋፃን ዳዒያ ታይቦይ ባይና ሻፌ ሜላ ዜሬላይ ዩሌተዶሶና።

13 ሄ አሳ ኡባይ ባንታው ጌቲቲዳ ኡፋይሳ ቃላ ኤኮና አማኖን ሃይቁዶሶና። ሺን ሃሆራ ሄሳ ቤዒዲ፣ ዳሚዳዳ ኦሊዲ፣ ኡፋይሳን ኤኪዶሶና። ቃሲ ኤንቲ ሳዒን አማጮኔ ቤቲ አሲ ጊዳይሳ ኤሪዶሶና።

14 ሄሳዳ ጊያ አሳይ ባንታ ቢታ ናጌይሳ ቆንጩን ቤሴሰ።

15 ኤንቲ ሄ አጊዲ ኬዪዳ ቢታ ጉዬ ቆፒዳባ ጊዲያኮ ጉዬ ሲማናው ዳንዳዶሶና።

16 ሺን ሃዒ አጂ ሎዒያ ሳሎ ቢታ ላሞቶሶና። ሄሳ ጊሾ፣ ያሳይ ኤንታው ካታማ ገጊሲዳ ጊሾ «ኤንታ ያሳ» ጌቲቲዲ ጃጌታናው ዩላቴና።

17 አብራሃሜይ ፓጩቲዳ ዎዴ ዩሳቃ ያርሺዳይ አማኖና። ሄ ኡፋይሳ ቃላ ኤኪዳ አብራሃሜይ ባ አሲ ናባ ያርሻናው ገጊሰ።

18 ያሳይ አብራሃሜኮ፣ «ኔ ዜሬላይ ዩሳቃ ባጋራ ጃጌታና» ያጊዲ ኦዲሰ።

19 ያሳይ ሃይቆፔ ዳንላናው ዳንዳዒይሳ አብራሃሜይ አማኒዳ ጊሾ ዩሳቃ ሃይቆፔ ፓዒ ዳንዲዳዳ ኦሊዲ ዛሪ ኤኪሰ።

20 ዩሳቁ ዎዴፔ ሃናናባ ኤሪዲ ያይቆባኔ ኤሳቁ አንጂዳይ አማኖና።

21 ያይቆቢ ሃይቃና ሃኒሹ፣ አሲ አሲ ዮሴፋ ናይታ አንጂዳይኔ ጉፌ ቦላ ካቲዲ ጎይኒዳይ አማኖና።

22 ዮሴፊ ሃይቃናው ማቲዳ ዎዴ አሰራዒሌ አሳይ ገብጻፌ ኬያናይሳ ኦዲዳይኔ ባ ሜቄላ ኦላናባ ኤንታ ከቲዳይ አማኖና።

23 ሙሴይ ዩሌተዳፔ ጉዬ ኢያ አያኔ ኢያ አዎይ ማላ ሎዎ ናባ ጊዲዳይሳ ቤዒዲ ሄቩ አጌና ቆቲዳይ አማኖና፤ ኤንቲ ካዉዎ አዎጂዎ ያዩቦኮና።

24 ሙሴይ ዲጩዳፔ ጉዬ ገብጻ ካዉዎ ናዒ ናባ ጌቲታናይሳ አዒዳይ አማኖና።

25 ሙሴይ ናጋራን ጉላ ዎዴሰ ኡፋይታናፔ፣ ያሳ አሳራ ዎዩ ኤካናይሳ ዶሪሰ።

11:12 ሜዴ 15:5፤ 22:17፤ 32:12 11:13 ሜዴ 23:4፤ 1ታሪ 29:15፤ ማዘ 39:12 11:17 ሜዴ 22:1-14 11:18 ሜዴ 21:12 11:20 ሜዴ 27:27-29፣ 39-40 11:21 ሜዴ 47:3፤ 48:1-20 11:22 ሜዴ 50:24-25፤ ኬሳ 13:19 11:23 ኬሳ 1:22፤ 2:2 11:24 ኬሳ 2:10-12

26 ኢ ዋዴፔ ዴማና ዋይቱዋ ቲሺ ኦሊዲ ዪሊዲ ጊሾ ጊብፄ ሻሉዋፔ ኦሊዲ ኪሪሰቶሳ ጊሾ ቦሬታናይሲ ዳር ኦዲያ ዱሬቴሉ ጊዲዳይሳ ኤሪሰ።

27 ሙሴይ ካወዋ ሃንቁዋ ያዮና፣ ጊብፄፌ ኬዲዳይ ኦማኖና። በንቶና ያሳ በዲዳ ኦሳዳ ሃኒዲ ባ ቆፋን ጌንጩሰ።

28 ሃይቆ ኤሂያ ኪታንቾይ ኢሰራዔል ኦሳ ባይራ ናይታ ዋዶና ሜላ ሙሴይ ፋሲካኔ ሱላ ዉርፄላ ዋጋ ኦሊዳይ ኦማኖና።

29 ኢሰራዔል ኦሳይ ሜላ ቢታራ ሃሙቲያዳ ሃሙቲዲ፣ ዘዎ ኦሳ ፒኒዳይ ኦማኖና። ሺን ጊብፄ ኦሳይ ጌላናው ፓጩ በዲሺን ሃላይ ኤንታ ሚቲሰ።

30 ኢሰራዔል ኦሳይ ኢያርኮ ካታማ ሹቻ ዲርሳ ላፑን ጋላሰ ዩዩዲ፣ ኩንዲሲዳይ ኦማኖና።

31 ላይሚያ ራዓባ ቢታ ዋቼይሳታ ሞኪዳ ጊሾ ኪቴቶና ኦሳራ ሃይቆና ኦቲዳይ ኦማኖና።

32 ሂዛ፣ ሃራ ታ ኦይ ጎ? ጌዲዮናባ፣ ባራቃባ፣ ሳምሶናባ፣ ዮፍታሄባ፣ ዳዊቲባ፣ ሳሙዔላባ፣ ቃሲ ናቤታባ ኦዳናው ታው ዋዴይ ጊዳና።

33 ኤንቲ ኦማኖን ካዋቴላታ ያኒደሶና፤ ዪሎቴላን ኦይሲደሶና፤ ያሳይ ኦማና ጊዳ ኡፋይሳ ኤኪደሶና፤ ጋዎታ ዶና ጎርዲደሶና፤

34 ታማ ዋልቃ ቶይሲደሶና፤ ሞርካታ ማሻፌ ኦቲደሶና፤ ባንታ ዳቡራን ሚኒደሶና፤ ኦላን ዋልቃማ ጊዲደሶና፤ ኦላጋ ቶራ ጎዲደሶና።

35 ማጫሳቲ ባንታ ሃይቂዳይሳቲ ሃይቆፔ ፓዲን ኤኪደሶና። ቃሲ ሃራቲ ኦዲያ ሃይቆፔ ዳንዲዋ ኤካናው ኮዩዲ ቃሹዋፔ ቢሌታናይሳ ኦዲደሶና።

36 ሃራቲ ኦሳን ቦሬቲዲ ሊሶን ጋራፌቲደሶና፤ ሃራቲ ሳንላላታን ቃሹቲዲ ቃሹ ኬላን ዩጌቲደሶና።

37 ኤንቲ ሱቻን ጫዳቲደሶና፤ ማጋዘን ናምዓ ኬዩዲ ጳልቄቲደሶና፤ ፓጩቲደሶና፤ ማሻን ሃይቂደሶና፤ ኤንታው ኡባባይ ጳዩን ሜቶቲደሶና። ደርሳ ኢቴኔ ዳሻ ኢቴ ማዒዲ ዩዩደሶና።

11:28 ኬሳ 12:21-30 11:29 ኬሳ 14:21-31 11:30 ኢያ 6:12-21
11:31 ኢያ 2:1-21፤ 6:22-25 11:32 ሃሪ 6:11-8:32፤ 4:6-5:31፤ 13:2-16፤
11:1-12፤ 14ው 16:1፤ 1ካዎ 2:11፤ 14ው 1:1-25 11:33 ዳኔ 6:1-27
11:34 ዳኔ 3:1-30 11:35 1ካዎ 17:17-24፤ 2ካዎ 4:25-37 11:36
1ካዎ 22:26-27፤ 2ታሪ 18:25-26፤ ኤር 20:2፤ 37:15፤ 38:6 11:37 2ታሪ
24:21

38 ኤንታው ሃ አላሜይ ገጎና ኢዲን ባዘ ቢታን፣ ዴሬ ቦላ፣ ጎንጎሎኒኔ ኦላ ገደን ዩዩደሶና።

39 ያሳይ ኤንታ አማኑዋባ ማርካቲኮካ፣ ሄ ኡባይ ጌቴቲዳ ኡፋይሳ ቃላ ኤኪቦኮና።

40 ያሳይ ኮስ ሎዖባ ቆፒ ዋሊዳ ገሾ ኤንቲ ኮኒ ባይና ፖሎ ገደኮና።

12

ያሳይ ኮስ አዋ

1 ሂዛ፣ ሻራዳ ኮ ዩሹዋን ዳሪዳ ሃይሳ ሜላ ማርካቲ ኮ ማታን ዴዒያ ገሾ ኮና ቋቢያ ኡባኔ ኦይኪዲ ሃሪያ ናጋራ ዲጊዲ፣ ኮ ሲንጎን ዴዒያ ጋዴ ዋሳ ጌንጫን ዋዖስ።

2 ኮ አማኑዋስ ኦጌ ዶዩዳይሳኔ ኮ ዉርሴላ ፖሎዋኮ ኮና ጋሊያ ዩሱሳ ቦላ ኮ አይፊያ ዋላስ። ዩሱሲ ዋዴፔ ዴዒያ ኡፋይሳ ገሾ ማስቃሊያ ዋያ ዳንዳዒዲ፣ ዩላ ሃይቁዋ ካዲዲ፣ ያሳፌ ኡሻቻ ባጋን ኡቲስ።

3 ሂዛ፣ ሂንቲ ዶጪዲ ኡፋይሲ ቃንዖና ሜላ ናጋራንቸታ ኢፀዋ ዳንዳዒዳ ዩሱሳ ቆፒቴ።

4 ናጋራራ ዴዒያ ባዲያን ቡሮ ሱፉ ጉሳና ጋካናው ኤቁቲቤኬታ።

5 ያሳይ ባ ቃላን፣ ባ ናይታዳ ሂንቲና ዘሪዳይሳ ደጊዳታ።

«ታ ናዓው፣ ያሳ ሴራ ሌቆፋ፤

ኢ ኔና ሴሪያ ዋዴ ኡፋይሲ ቃንዖ።

6 ጎዳይ ባ ደሲያ ኡራ ሴሬስ፤

ቃሲ ባ ናዓዳ ኤኪያ ኡባ ጋራፌስ»

ያጌስ።

7 ያሳይ ሂንቲና ባ ናይታዳ ሴሪያ ዋዴ ጌንጪቴ፤ አዋይ ሴሮና ናዒ ኦኔ?

8 ያሳይ ባ ናይታ ኡባ ሴሬስ፤ ሂንቲ ሴሬቶና ኢዲኮ ቱማ ኢያ ናይታ ገደናሺን ባላኮ ናይታ።

9 ቃሲ ኮና ዩሊዳ ኮ አዋቲ ኮና ሴሮሶና፤ ኮካ ኤንታና ቦንቸስ። ያቲን፣ ኮኒ ኮ አያና አዋስ ዋኒዲ አሊ ሃሪቶኮ?

10 ሂዛ፣ ኮ አዋቲ ባንታው ሎዖ ዳኒዳ ሜላ ጉላ ዋዴስ ኮና ሴሪደሶና። ሺን ያሳይ ኮ ጎዓስ፣ ኮ ኢያ ጌሻቴላን ሻኬታና ሜላ ሴሬስ።

11 ኑኒ ሴሬቴያ ዎዴ ዪሎዬሲፔ ኣቲን ኡፋይሴና። ሺን ጉዬፔ ሴሬቴላ ሜዘቲዳ ኣሳሰ ሴራይ፣ ሳርይ ኩሚዳ ዒሎቴላ ኣይፌ ኣይፊሴሰ።

ዘሬኔ ናጊሶ

12 ሂዛ፣ ሂንቴ ኣርጋጨዳ ቄሲያኔ ሂንቴ ዳቡሪዳ ጉልባታ ሚንሲቴ።

13 ዎቤይ ፓፃና ሚላፔ ኣቲን ኣሊ ሜቆና ሚላ ሂንቴ ቶሁዋሰ ሱሬ ኦጌ ጊሊሲቴ።

14 ኣሳ ኡባራ ሳር ዳናዉኔ ጌሻቴላን ዳናው ሚኒቴ፤ ጌሻቴላ ባይና ኦኒካ ጎዳ ቤዓናው ዳንዳዒና።

15 ሂንቴፌ ኦዴሰካ ያሳ ኣቶ ኬሃቴላይ ፓጮናዳ፣ ቃሲ ጫዋ ኣይፌ ኣይፊዱ ዳር ኣሳ ቱኒሲያኔ ቆይሲያ ዜሬላዳ ጊዶና ሚላ ናጌቴቴ።

16 ሂንቴ ጊዶን ላይማቲያ ኣሲ ዎይኮ ኢሲ ቶሆ ሚያ ካላሰ ባ ባይራቴላ ቶቺዱ ባይዚዳ ኤሳዌ ሚላ ኣሲ ዶና ሚላ ናጌቴቴ።

17 ጉዬፔ ኤሳዌይ ሄ ኣንጂዋ ኤካናው ኮዪዳ ዎዴ ዲጌቴዳይሳ ኤሬታ። ኢ ሄ ኣንጂዋ ኣፋላን ሚኒዱ ኮይኮካ፣ ዴማናው ዳንዳዒቤና፤ ኢ ናጋራፔ ሲማናው ቃዳ ዴሚቤና።

18 ሂንቴ ኩሺን ቦሺቴያ ሲና ዴሪያኮ፣ ኤዒያ ታማኮ፣ ቆማኮ፣ ጫጋናኮ፣ ጎቲያኮ።

19 ዎይዚያ ዋሱዋኮ ዎይኮ ቃላይ ሲዔቲያ ቤሳኮ ዪቤኬታ። ሄ ቃላ ሲዒዳ ኣሳይ ሃራ ጉዣ ቃላ ሲያና ሚላ ዎሲደሶና።

20 ኣይሰ ጊኮ፣ «ሃሪ ኣቶሺን፣ ዶዒ ሄ ዴሪያ ቦቺኮ፣ ሹቻን ጫዴቲዱ ሃይቆ» ያጊዳ ኪታ ኤንቴ ቶካናው ዳንዳዒቦኮና።

21 ሄ ሃኒያባይ ዳር ዳጋንሊያባ ጊዲዳ ጊሾ ሙሴይ፣ «ታኒ ያሻን ኮኮራሰ» ያጊሰ።

22 ሺን ሂንቴ ዒዮኔ ዴሪያኮ፣ ዴዎ ያሳይ ዴዒያ ዬሩሳላሚ ካታማኮ፣ ኢሲፌ ሺቂዱ ኡፋይቲያ ዳር ሙኩሉ ኪታንቾታኮ ሳሉዋ ዪዴታ።

23 ኤንታ ሱንላይ ሳሎን ፃፌቲዳ ዎሳ ኬላ ባይራ ናይታኮ፣ ኣሳ ኡባ ፒርዲያ ያሳኮ፣ ፖሎ ጊዲዳ ዒሎ ኣሳ ኣያናታኮ ዪዴታ።

12:12 ኢሳ 35:3 12:13 ለሚ 4:26 12:15 ዛሬ 29:18 12:16 ሜዴ 25:29-34 12:17 ሜዴ 27:30-40 12:18 ዛሬ 4:11-12፤ 5:22-27፤ ኬሳ 19:16-22፤ 20:18-21 12:20 ኬሳ 19:12-13 12:21 ዛሬ 9:19

24 ኦራላ ጫቁዋሰ ገደ ገዲዲ ሲጌልያ ዩሱሳኩ፥ አቤላ ሱላፌ አጂያባ ኦዲያ ወርፃቲዳ ሱሳኩ ዪዳታ።

25 ሂንቲው ኦዲያ ኡራ ቃላ ኢፃሰ ጎና ማላ ናጌቲቱ። ካሰይሳቲ ሳግን ገዲዲ ኦዲዳ ከታ ሲያና ኢፃዲ አቲቦናባ ገዲኮ ያቲን፥ ሳሎን ገዲዲ ኦዲያ ቃላ ኦኒ ኢፃሰ ገኮ ዋኒዲ አታኔ?

26 ሄ ዎዴ ኢያ ቃላይ ሳግ ቃሊሰ። ሺን ሃዒ ታኒ፥ «ሳግ ፃላላ ገደናሺን ኢሲ ቶሆ ዛራዳ ሳሉዋካ ቃላና» ያገሰ።

27 «ኢሲ ቶሆ ዛራዳ» ገያ ቃላይ ቃዖባይ ሚኒዲ ዳና ማላ ቃዒያ ማዴቲዳባቲ ጳያናይሳ ቤሴሰ።

28 ኦኒ ቃዖናው ዳንዳያና ካዎቴላ ኤኪያ ገሾ ያሳ ጋላቶሰ፤ ያሳ ኡፋይሲያ ኦኒን ቦንቸኒኔ ያሻቴላን ኢያ ጎይናሰ።

29 ሂዛ፥ ኦ ያሳይ ቱማ ፀገያ ታማ።

13

ወርሴላ ዞሬ

1 አማኒያ አሳዳ ኢሶይ ኢሱዋራ ፖሎ ሲቁቲቱ።

2 አማሌ ሞኬይሳ ደጎፒቱ። ኢሲ ኢሲ አሳቲ ሄሳዳ ኦሊሼ ኤሮና ኪታንቸታ ሞኪደሶና።

3 ቃሾን ዴዔይሳታ ሂንቲካ ኤንታራ ኢሲፌ ቃሾን ዴዔያዳ ኦሊዲ ኤንታና ቆፒቱ። ዋዬ ኤኪያ አሳራ ኢሲፌ ሂንቲካ ዋዬ ኤኪያዳ ኦሊዲ ኤንታና ቆፒቱ።

4 ኤኮይኔ ጌሎይ አሳ ኡባ ማታን ቦንቸቲዳባ ገደ። ቃሲ ያሳይ ላይማቴይሳታኔ ላሜይሳታ ፒርዳናው ዴዔያ ገሾ አዚናይኔ ማቸያ ኢሶይ ኢሱዋሰ አማኔታናው ቤሴሰ።

5 ሚሼ ሲቆፔ ሂንቲና ናጌቲ፤ ሂንቲው ዴዔያባን አለቱ። ያሳይ፥ «ታኒ ኔና ኡባራካ ዩጊኬ ዎይኮ አጊኬ» ያገሰ።

6 ሄሳ ገሾ፥ ኦኒ አማኔቲዲ፥

«ሳዳይ ታና ማዴይሳ፤

ታ ያዩኬ፤ አሲ ታና አይ ኦላኔ?»

ያገሰ።

7 ያሳ ቃላ ኮይሮ ሂንቲው ኦዲዳ ሂንቲና ካሌሌይሳታ ቆፒቱ። ኤንቲ ዋኒዲ ዴዒዳኮ ኤንታ ዴሳ ቤዒዲ ኤንታ አማኑዋ ካለቱ።

12:24 ሜዴ 4:10 12:25 ኬሳ 20:22 12:26 ሃጌ 2:6 12:29
ዛሬ 4:24 13:2 ሜዴ 18:1-8፤ 19:1-3 13:5 ዛሬ 31:6፣ 8፤ ኢያ 1:5
13:6 ማዝ 118:6

8 ዩሱስ ኪሪስቶስ ዚኔካ ሃቸካ ማሪናውካ ላማቴና።

9 ዲማ ዲማ ኦራፋ ቲሚርቲን ሃራሶ ቢዲ ጳዮፒቲ፤ ቦፒቲ። ኑ ዋዛናይ ያሳ እጾ ከሃቴላን ሚናናው ቤሴስፔ ኣቲን ሚን ጎዶና ካላን ዋጋ ፖሎን ገደፖ።

10 ሺን ዲንካኒያ ገደን አሊያ ካሂኔቲ ሄ ያርሾ ካላፌ ማናው አንታው ማቲ ባይና ያርሾ ቤሳይ ኑስ ዴዔስ።

11 ካሂኔ ሃላቃይ ናጋራ ያርሾስ ሜሄ ሱሊ ኤኪዲ ያርሻናው ኡባፌ ጌሻ ቤሳ ጌሌስ። ሺን ሄ ሜሄያ ኣሹዋ ዲርሳፌ ካሬን ፀጌስ።

12 ሄሳዳካ፣ ዩሱሲ ዴሪያ ናጋራፔ ባ ሱላን ጌሻናው ካታማ ፔንገያፌ ካሬን ዋዩቲስ።

13 ሂዛ፣ ኑኒ ቦሪያ ቶኪዲ ዲርሳፌ ካሬ ኢያኮ ኬዮስ።

14 ሂዛ፣ ኑስ ሃይሳን ማሪናው ዴዔያ ካታሚ ባዋ፣ ሺን ኑኒ ያና ካታማ ናጎስ።

15 ሂዛ፣ ዩሱሳ ባጋራ ኡባ ዋዴ ኢያ ሱንላስ ማርካቲያ ማቴርሻ ጋላታ ያርሾ ያሳስ አሞስ።

16 ሎዖባ አሶኔ ሂንቲው ዴዔያባፔ ሜቶቲዳ ኣሳስ አሞ ደሳፒቲ። ሂዛ፣ ሄሳ ማላ ያርሾይ ያሳ ኡፋይሴስ።

17 ሂንቲና ካሌጼይሳታስ ኪቲቲቲ፤ አንቲ ገያባ አሊቲ። አንቲ ባንታ አሊያባስ ያሳ ሲንላን ኦይሼታናው ዴዔያ ገሾ ሂንቲና ሄሞሶና። ሂንቲ አንታው ኪቲቲኮ፣ ባንታ ኣሱዋ ኡፋይቲዲ አላና፤ ሄሲ ሃናና ኢዳኮ፣ አንቲ ኣዛኒሼ አላና፤ ሄሲ ሂንቲና ኣይቢባካ ማዴና።

18 ኑስ ያሳ ዋሲቲ። ኑ ካሃይ ጌሺ፤ ኑ ኡባ ዋዴ ሎዖባ አላናው ኮዮስ።

19 ታኒ ሂንቲኮ ኤሌሳዳ ያና ማላ ሂንቲ ታው ሚንሊዲ ያሳ ዋሳና ማላ ታ ሂንቲና ሃዳራ ጋይስ።

20 ሳሮቲላ ያሳይ፣ ደርሳ ሄሚያ ኑ ጎዳ ዩሱሳ፣ ባ ማሪና ጫቆ ሱላን ሃይቆፔ ዴንሊዳይሲ።

21 ኢያ ሼኒያ አላና ማላ ሎዖባ ኡባን ኢ ሂንቲና ዳንጨሶ። ኢያ ኡፋይሴያባ ዩሱስ ኪሪስቶሳ ባጋራ ኑናን ያሳይ አሉ። ዩሱስ ኪሪስቶሳ ባጋራ ያሳስ ማሪናፔ ማሪና ጋካናው ቦንቸይ ገደ። ኣሚንዒ።

22 ታ አሻቶ፣ ታ ሃ ዳብዳቢያ ሂንቲው ቃንላን ፃፊዳ ገሾ ሂንቲ ታ ዞሪያ ሳሌቶና ኤካና ማላ ታ ሂንቲና ዋሳይስ።

23 ኑ አሻይ፣ ፃሞቲዮሲ ቃሾፔ ቢሊቲዳይሳ ኤሪቲ። ኢ ኤሌሲዲ ታኮ ዪኮ ታ ኢያራ ሂንቲና ባዳ ቤዓና።

24 ሂንቴና ካሌሴይሳታኔ አማኒያ ኡባ ሳር ገቴ። ፃሌፔ ዪዳ
አማኒያ አሳይ ሂንቴና ሳር ያጎሶና።

25 ፆሳ አጾ ከሃቴላይ ሂንቴ ኡባራ ገዶ። አሚንዒ።

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 18 Apr 2025 from source
files dated 29 Jan 2022

c35d6c73-3843-5482-b53e-7559d35deee5